

全球恭拜南斗祈福消災延壽大法會儀軌

法 會 儀 軌 說 明

第 1 項 道場開啟

第 2 項 奉請諸真上堂 如法供養 聖前大供

第 3 項 恭祝南斗六星君聖誕 宣讀疏文 獻禮！

第 4 項 拜斗祈福 恭誦南斗真經

第 5 項 施食

第 6 項 加持法物

第 7 項 發露心願

第 8 項 功德迴向

第 9 項 護摩火供 謝師送師

法 會 儀 軌

請大眾起立抱拳 主法師上堂敬香

大眾在主法師三跪九拜之時，抱拳、鞠躬行禮！

三調，調身、調息、調神，行止觀 內外合一 不二 入法界 打開雙肩蓮花、頭頂蓮花，祈請父母和九祖以及過去七世父母，有緣六道眾生，同修共證。

第一項 道場開啟

（請大眾抱拳，正心誠意，入空性正見）

【澄清韻】

琳琅振響，十方肅清，河海靜默，山嶽吞煙，萬靈鎮伏，招集群仙，天無氛穢，地無妖塵，冥慧洞清，大量玄玄也。

【舉天尊】

大羅三寶天尊（三稱）

【提綱】

靈音到處，滅罪消愆；寶號宣時，扶危救難。將當有開壇，演教之偈，仰勞道眾，隨聲應和。

【吊掛】

上壇齊舉步虛聲，祝國迎祥竭寸誠。當日陳情金闕內，今朝香靄玉爐焚。

皇圖鞏固山河壯，帝道遐昌日月明。萬民瞻仰堯舜日，歲稔豐登樂太平。

香供養常清常靜天尊

【大啟請】

真心清靜道為宗，譬彼中天寶月同。淨掃迷雲無點翳，一輪光滿太虛空。

上藥身中神炁精，人人具足匪虧盈。能知混合回風道，金鼎黃芽日日生。

【小啟請】

道場眾等，人各恭敬，恭對道前，誦經如法。

【八大神咒】

【淨心神咒】

太上台星，應變無停，驅邪縛魅，保命護身，智慧明淨，心神安寧，三魂永久，魄無喪傾，急急如律令。

【淨口神咒】

丹朱口神，吐穢除氛，舌神正倫，通命養神，羅千齒神，卻邪衛真，喉神虎賁，炁神引津，心神丹元，令我通真，思神煉液，道炁常存，急急如律令。

【淨身神咒】

靈寶天尊，安慰身形，弟子魂魄，五臟玄冥，青龍白虎，隊仗紛紜，朱雀玄武，侍衛身形，急急如律令。

【安土地神咒】

元始安鎮，普告萬靈，嶽瀆真官，土地祇靈，左社右稷，不得妄驚，回向正道，內外澄清，各安方位，備守壇庭，太上有命，搜捕邪精，護法神王，保衛誦經，皈依大道，元亨利貞，急急如律令。

【淨天地解穢神咒】

天地自然，穢炁分散，洞中玄虛，晃朗太元，八方威神，使我自然，靈寶符命，普告九天，乾羅答那，洞罡太玄，斬妖縛邪，殺鬼萬千，中山神咒，元始玉文，持誦一遍，卻鬼延年，按行五嶽，八海知聞，魔王束首，侍衛我軒，凶穢消散，道炁常存，急急如律令。

【祝香神咒】

道由心學，心假香傳，香焚玉爐，心存帝前，真靈下盼，仙旆臨軒，令臣關告，逕達九天，急急如律令。

【金光神咒】

天地玄宗，萬炁本根，廣修萬劫，證吾神通，三界內外，惟道獨尊，體有金光，覆映吾身，視之不見，聽之不聞，包羅天地，養育眾生，受持萬遍，身有光明，三界侍衛，五帝司迎，萬神朝禮，役使雷霆，鬼妖喪膽，精怪忘形，內有霹靂，雷神隱名，洞慧交徹，五炁騰騰，金光速現，覆護真人，急急如律令。

【開經玄蘊咒】

雲篆太虛，浩劫之初，乍遐乍邇，或沉或浮，五方徘徊，一丈之余，天真皇人，按筆乃書，以演洞章，次書靈符，元始下降，真文誕敷，昭昭其有，冥冥其無，沉疴能自痊，塵勞溺可扶，幽冥將有賴，由是升仙都。

【雙吊掛】

真心清靜道為宗，譬彼中天水月同，

淨掃浮雲無點翳，一輪光滿太虛空

上藥身中神氣精。人人俱足匪虧盈。

能知混合同風道。金鼎黃芽日日生。

(主吟)

一柱真香本自然，黃庭爐內起祥煙。

(二接)

空中結篆浮雲蓋，上聖高真護法筵。

第二項 奉請諸真到堂 真心懺悔 如法供養

志心皈命禮。道經師三寶

恭以

道德無為清靜香。妙洞自然靈寶慧。

金爐煙起氣氤氳。玉華散處雲繚繞。

上通三境至三天。下徹九泉並九地。

十方三界悉聞知。無量無邊同供養。

以今焚香虔誠上啟。

無上至真三天三寶上帝。

太上聖祖。

三清聖祖。

昊天玉帝上帝 勾陳天皇大帝

紫微北極大帝 後土皇地祇

十方自然靈寶天尊 五靈五老帝君

三十二天帝君 五福十神太乙真君

三垣帝座星君 日月九曜星君 南辰北斗星君 三台華蓋星君

二十八宿星君 十二宮辰星君

六十甲子星君 當生本命星君

周天纏度河漢萬象群真

上元一品賜福天官，

中元二品赦罪地官，

下元三品解厄水官，

三元三百六十應感天尊

傳經傳教師尊

太玄女青真人

九天天曹。諸司聖眾。

上元飛天游奕飛仙聖眾。

中元五嶽名山洞天福地。靖廬治化仙官。

下元水府河海淵泉聖眾。

三元飛仙神王。

十直真人天帝真仙使者。

三元三宮九府左右都司百二十司仙官。

三元孝校。司命。司祿。主執。仙官。

三元掌齋願功德仙官。左右仙班聖眾

三元考校善惡功曹使者

值年太歲至德尊神

城隍主者裡域正神

侍奉香火高真

虛空過往一切真靈

歷代祖師。空淨上人。

悉仗真香普同供養

恭望

天尊及祖師垂惠。

至聖臨軒。

鑒虔虔懇懇之誠。

錫簡簡穰穰之福。消災滅罪。保命延生。

今則蘭場式備。寶炷凝煙。對越高真。宣揚懺法。

稽首皈依。無極大道

從此以上禮念天尊聖號 乞懺 先靈 自從無始以來 至於今日。所造無量無邊惡業。皆由貪嗔癡疑慢。

我今醒悟發願誓不重犯。今日虔誠。鹹乞懺悔。請師相助清因消業。

次複空性中普皆回向法界一切有情，脫離輪回之苦，獲得永生！

【普請皈依】

皈身 皈神 皈命

普供養：

此食色香味 上供眾天尊

中奉諸聖賢 下及六道品

等施無差別 隨願皆飽滿

令今施者得 無量道德慧

三德六味 供道及師

法界有情 普同供養

第三項 恭祝南斗六星君聖誕 宣讀疏文 獻禮！

【祝壽】

恭祝南斗六星君聖誕，祝南斗六星君聖壽無疆！（三遍）

【宣讀疏文】

恭迎南斗疏文

一心上達祈福金章

伏以

南斗六司添長壽 北斗七元注長生 祈禱是念安吉為心

今據

弟子：

今逢良辰吉日 弟子以最誠懇之心 誠備經文之儀 與六道眾生一道

虔誠禮斗 懺悔惡業

祈願回向 一心奉請

南極長生大帝玉清真王

大悲大願大聖大慈先天斗姥元君

消災延壽天尊

福生無量天尊

司命 司祿 延壽 益算 度厄 上生諸星君

大力加持弟子

罪消孽滅 吉星高照 瑞氣長環 逢凶化吉 元辰光彩 消災解厄

增福延壽 平安吉祥 慧根增長 富貴雙全 祈願所求 悉令滿足

弟子虔誠頂禮百拜 凡在 光中 均祈庇佑

謹疏奉進 以聞

天運： 癸 卯 年 六 月 初 六 日 吉 時

【獻禮！】

第四項 拜斗祈福 恭誦南斗真經

南方火德大星君 降福無邊定五倫

焚香頂禮虔叩請 三界合參吉祥門

恭請

南斗六司延壽星君

寶誥

志心皈命禮。太微五曜 南極都曹 主司陽官 宰御火帝 位離宮而名符日曜 隨斗柄而環應七元
助天地豐育之功 體道德光明之照 受性降神 握品物生成之統紀 陶魂鑄魄 管人天遷化之樞機
注秩消災 延齡溥福 至聖至尊 大悲大願 中天大聖南斗六司延壽星君 壽星大帝 陽明普度天尊

太上說南斗延壽度人妙經

爾時

太上老君 告天師曰 此經乃九天八會之真文。三洞三清之上道。原始天尊。昔經歷於七億萬劫。

天地始終。人倫生死。五運變遷。萬匯興衰。

天尊於今。猶宴居景雲之上上清之境。修煉至真。敷演妙道。潛念群生。大慈不舍。吾昔得傳付是經。

今當授之於汝。汝宜選奉道之世。謹修行之人。天陽地陰。一合而生成兩曜。兩曜行度五緯周天。

是謂七政。則七星九元北斗也。每以杓隨月建。分指節氣。二十四氣二十八舍。應下土七十二候三十

六禽舍。中有斗宿六星。是則號南斗六司。與北斗七政分職。共理三才六合八卦九宮。總轄中外百辟。

官品乃紫微太極兩樞都曹也。上系十二分次天真靈神。下統十二分野地祇主。主四瀆五嶽九州八紘。

名山大川城隍社廟。中及人民群類萬物。無不計系。其簿籍掌握世人善惡矣。北斗位處坎宮。名同月

曜。降神於人。名之為魄也。主司陰府。宰御水源。將濟生聚。功莫大焉。南斗位處離宮。名同日曜。

降神於人。名之為魂也。主司陽官。宰御火帝。將濟動用。德莫大焉。洎有天地迄至於今。二司兩極。

同共陶鑄萬品。生成萬物。

注擬天人之爵秩。增減士庶之奉祿。延保年齡去留災福。莫不尤其與奪也。所以然者。乃知陽日陰月。

南北二司。魁斗魁罡。受性水火。稟質陰陽。助天地而育物。體道德而垂光。物得而豐也。非此而孰能乎。

人得而生也。非此而孰能乎。

是故。

天尊殷勤嗟憫。觀爾含靈一如赤子。闡教救護。令保生性。其救護法。使一切善男善女。不以高卑。皆應志心常當恭敬。若或時睹日曜月曜。南斗北斗。則鎮重叩頭。請乞佑護。願賜恩福。上言呼稱。至聖至尊真宰真君。矜哀凡冗。宥赦過咎。及再拜。不得懷於輕慢。反招殃累。

老君曰。爾等男女。能依吾所授。奉教而行者。若有所告請。欲消災度厄。曾福延年。保家屬之團圓。祝封疆之寧謐。或欲免息塚訟。削死注生。皆當上章投詞。設醮求請。無不如意也。

爾時。

老君為為天師重宣言曰。

南斗火官除毒害。北斗水神滅凶災。

一切所求皆稱遂。萬般滯悶悉通開。

能依經法冥心醮。必當隨願契靈台。

凡在有情常頂禮。禍厄無因輒敢來。

老君曰。神真之妙。凡世難言。凡夫愚昧。貴遠賤近。近者身也。目見日月星斗。耳聞風雷韶雅。

鼻嗅蘭麝腥臊。舌了甘辛酸苦。口宣言語音響。至於手執足行。自生及老。皆不可離水火。

今凡夫見之若不見。聞其言如甚瞶。殊不知成立生性。皆是天地日月星斗與之。假如四大正茲一氣。生生之生全系水火。水火比於道之真體。故不可暫離。可離而獲存者。非物非人。

吾今叮嚀與在世男女。說此要道。普令發心。求請醮獻。知有神真。信吾教示。更能於四時月旦。

八節十二氣。三元三會。五臘本命。是諸良時吉日。皆可上章拜表。投詞獻款。請啟恩福。懺罪消災。然燈獻果。供養禮拜。其福無量也。

南斗第一天府司命上相鎮國真君。

南斗第二天相司錄上相鎮嶽真君。

南斗第三天梁延壽保命真君。

南斗第四天同益算保生真君。

南斗第五天樞度厄文昌鍾魂真君。

南斗第六天機上生監簿大理真君。

如是六星真君。六星童子。火鈴將軍。凡人轉誦此經。切須至誠虔心禱祝。無不應驗。

唯在精勤拜表上章。真聖自降。必獲延年長生道性。

老君曰。此六司真君。神性急速。能傾心求請。無願不從。神真感應人心。隨事皆諧偶也。

夫萬行之本一身之根。在乎道氣保固形命。形命保固在乎教法。教法存乎科儀之細密。

聲發響應形動。影隨形從新移。發足動步神靈微妙也。南斗北斗陶魂鑄魄。魂既受鍊。乃遷轉生人。

能依吾教法。謝以往之非。補將來之短。洗滌眾災。拜迎百福。唯在嚴潔崇敬。罄志投誠。

必獲度世之仙道。共日月之同年。若有深信之士。能修設兩極二斗。同醮一壇。各像斗星立壇。

炷列香登。鋪排敬茶。貢獻果實。香花淨水。糖餅油餅。荷蒸乳蒸。棗湯細茶。不須酒脯。

此最為要道。以斯迎請神真。真聖歡喜降臨。速得賜其福佑。

老君演此真妙經竟。正一天師與弟子王。長座前再拜禮謝。謹奉道旨。廣為傳行。

南斗長生真經

諸太星君 欲求解釋 信士命宮行年運限 星辰逼刻 歲煞刑沖 蠲除過犯之冤 殄散將來之厄
災星言隱 同為福壽以質身 惡煞所贊 轉降吉祥而護體 冤愆解釋 鬼 驅除 從此百病以安痊
自此千災而絕滅 戶納千祥之吉慶 合家老幼之和光 異作異謀 以家庭建想 凡居食寢 坐臥行藏
俱祈造化洪恩 悉皆乾坤庇佑 如斯法理 伏望有道經師寶 三清聖空藏
一心禮請 志心朝禮

南斗六司星君 北斗七元星君

傍臨正照星君 上宮九曜星君

十二宮中星君 本命元辰星君

年月日時星君 紫氣月孛星君

消災解厄星君 長生集福星君

頂禮

三尊證明 眾真歡喜 除災消厄 乞降長生 疾病早離 身體吉祥

天尊言言滅罪 句句消災 諸般冤家 咒詛盡消除 早離身體 信士

本命宮中有災厄 延壽星君解消除

財帛宮中有災厄 延壽星君解消除

兄弟宮中有災厄 延壽星君解消除

田宅宮中有災厄 延壽星君解消除

男女宮中有災厄 延壽星君解消除

奴僕宮中有災厄 延壽星君解消除

夫妻宮中有災厄 延壽星君解消除

遷移宮中有災厄 延壽星君解消除

疾病宮中有災厄 延壽星君解消除

官祿宮中有災厄 延壽星君解消除

福德宮中有災厄 延壽星君解消除

相貌宮中有災厄 延壽星君解消除

信士宮中有災厄 身體災難解消除

十二宮中有災厄 相貌神煞解消除

寅年寅月寅日寅時有災厄 甲寅將軍解消除

卯年卯月卯日卯時有災厄 乙卯將軍解消除

辰年辰月辰日辰時有災厄 甲辰將軍解消除

巳年巳月巳日巳時有災厄 乙巳將軍解消除

午年午月午日午時有災厄 甲午將軍解消除

未年未月未日未時有災厄 乙未將軍解消除
申年申月申日申時有災厄 甲申將軍解消除
酉年酉月酉日酉時有災厄 乙酉將軍解消除
戌年戌月戌日戌時有災厄 甲戌將軍解消除
亥年亥月亥日亥時有災厄 乙亥將軍解消除
子年子月子日子時有災厄 甲子將軍解消除
丑年丑月丑日丑時有災厄 乙丑將軍解消除
甲乙年月日時有災厄 木德將軍解消除
丙丁年月日時有災厄 火德將軍解消除
戊己年月日時有災厄 土德將軍解消除
庚辛年月日時有災厄 金德將軍解消除
壬癸年月日時有災厄 水德將軍解消除
春季三個月有災厄 青面將軍解消除
夏季三個月有災厄 赤面將軍解消除
秋季三個月有災厄 白面將軍解消除
冬季三個月有災厄 黑面將軍解消除
一年四季有災厄 黃面將軍解消除
大小運限有災厄 延壽星君解消除
年厄度宿有災厄 延壽星君解消除
冤家咒詛有災厄 延壽星君解消除
天曹案中有災厄 延壽星君解消除
地府陰司有災厄 延壽星君解消除
水府江河有災厄 延壽星君解消除
陽間獄中有災厄 延壽星君解消除

城隍社廟有災厄 延壽星君解消除

造作宅舍有災厄 延壽星君解消除

觸犯天道有災厄 延壽星君解消除

五音邪淫有災厄 延壽星君解消除

水溺火焚有災厄 延壽星君解消除

血光產難有災厄 延壽星君解消除

解冤釋願大天尊 解冤滅罪大天尊

冤家災病解消除 消災集福大天尊

春保得平安 夏保得康寧

秋保財丁旺 冬保福壽長

一年三百六十朝 朝朝常吉慶 三壇尊王

滿漢星君 同來降赴

消災集福保長生 長命富貴大天尊

【南斗長生真經】竟

完經贊

火部威神 增福施恩

人間八德吉祥純

脫離夙業情 禮念殷懃

大教慶善門

皈命

增福壽天尊大天尊。。。

道在中央運不窮 經翻底眼化無終

師傳衣鉢有為法 三界諸尊德望隆

第五項 施食，解三惡道眾生於倒懸。

符命與通傳，惠光照九泉，

三魂朝上帝，七魄聽靈篇。

十方救苦天尊

東極青華妙嚴宮，紫霧霞光徹太空，千朵蓮花映寶座，九頭獅子出去中，

南極丹台開寶笈，北都玄禁破羅豐，惟願垂光來救苦，眾等稽首禮慈容，

施食功德不思議，孤魂滯魄早超升。

香供養 十方救苦天尊

玉訣應化甘露食，普施河沙眾鬼神，願皆飽滿舍慳貪，脫化人天生淨界。

汝等鬼神眾，吾今施汝供，一粒變十方，河沙鬼神用。

常樂天宮不夜春，普施甘露濟群生，頓息塵埃歸正道，法眾調誦五廚經。

一炁和太和，得一道皆泰，和乃無一和，玄理通玄際，不以意思意，亦不求無思意，而無有思，

是法如是持，莫將心緣心，還莫住絕緣，心在莫存心，真則守真淵，修理志離志，積修不符離，

志而不修志，己業無己知，諸食炁結炁，非諸久定結，炁歸諸本炁，隨取當隨泄。

奉請變食神王、變食小吏變此法食，遍滿天地，自然天廚食，普及於一切，神魂饑渴者，盡沾甘露味

奉請

東王公、西王母、太乙天尊降甘露，三天無量食，充滿法界中，濟汝饑渴者，清淨無量身，饑虛生飽

滿，熱惱得清涼，一切饑渴者，同登極樂界。

志心皈命禮

青華長樂界，東極妙嚴宮，七寶芳華林，九色蓮花座，萬真環拱內，百億瑞光中，玉清靈寶尊，

應化玄元始，浩劫垂慈濟，大千甘露門，妙道真身，紫金瑞相，隨機赴感，誓願無邊，大聖大慈，

大悲大願，十方化號，普度眾生，億億劫中，度人無量，尋聲赴感，太乙救苦天尊青玄上帝。

茫茫酆都中，重重金剛山，靈寶無量光，洞照炎池煩，翻翻五帝駕，飄飄玄上門，游步黃華野，

回靈驕樂端，採集飛空景，舊爽多不從，太微回黃旗，無英命靈幡，攝召長夜苦，開度受生魂，

稽首皈依無上（道、經、師）回謝（太乙救苦天尊、十方靈寶尊、道場諸聖眾），
三陽濟煉最上妙緣，承斯聖力普濟群生，伏願風雷銅柱變清涼之淨境，溟冷鑊湯化七寶之瑤池，
羅酆山下作蓬萊之閬苑，鐵圍無間成洞府之仙鄉，三塗息苦，八難超升，先亡祖彌、師友宗親，
速居快樂之鄉，早登人天之路，修真霞友、聞法善人，悟本性之真元，了玄關之要妙，四恩普報，
三有齊資，一切有情，同登道岸志心稱念

太乙救苦天尊

酆都赦罪天尊

十方救苦天尊 不可思議功德

接念

願以此功德普度於一切，法界薦亡靈，皆證無上道

直白

皈依三寶，施食功德，無上良因，普沾法界 志心稱念

太乙救苦天尊 不可思議功德

【供養咒】

供養三天教主、清靜法身、滿空聖眾、無量群真，黍米一粒雲廚寶鼎烹為法饌，異香滿空，
廣被十方，照臨大眾，法界人天，普同供養志心稱念

香廚妙供天尊 不可思議功德

【出食咒】

一粒佳谷，一滴清泉，不忍自食，施於幽魂，受吾供者，皆賴道恩，惟道惟靈，覺性長存
志心稱念

法食普濟天尊 不可思議功德

【入食咒】

自然天廚食，吾今與加持，一粒遍十方，河沙共塵迷，饑渴永消滅，食之宴瑤池，今將與幽魂，
功德不思議

志心稱念

清涼甘露天尊 不可思議功德

【結齋咒】

齋供已訖，各發誠心，勇猛精進，證聖成真

志心稱念

福生無量天尊 不可思議功德

四生六道，一切寒林，

聞經聽法，早得超升。（重）

【小贊】

青華教主，太乙慈尊，玉清應化顯金身，大千甘露門，接引群生，永出愛河津（重）。

願滅三障諸煩惱，

願得智慧心明瞭。

普願災障悉消除，

世世常行無上道。

四恩三有均利益，

十洲三島任逍遙，

回向四府眾龍神，

禮謝道經師三寶，

向來誦經福無邊，

風調雨順民安樂，

願以此功德，普及於一切。

誦經保平安，消災增福壽。

經壇土地，神之最靈，升天達地，出幽入冥，為吾關奏，不得留停，有功之日，名書上清。

向來誦經功德 上奉高真，下保平安，賜福消災，同賴善功，證無上道，一切信禮。

志心稱念，太乙救苦天尊。不可思議功德。

【三皈依】

志心皈命禮

無上道寶，當願眾生，超脫一切，住最上乘。

無上經寶，當願眾生，深明經藏，神通莫測。

無上師寶，當願眾生，

太上授首，成大仙道。

第六項 加持法物

（請大眾抬起雙手，將法台上的法物的場性抬起虛空中，化成無量無邊，普度眾生）

一化十 十化百 百化千 千化千千萬 度盡眾生始成道

第七項 發露心願

恭請大家表明心志，說明參加法會的目的和願望弟子某某某，今誠心參加普渡法會，

祈願太上聖祖，三清聖祖，玉皇大天尊，後土皇地祇等四御大帝，天地水三官大帝，太乙救苦天尊等

一切諸天尊，諸大帝，諸護法神明，諸位祖師相助弟子滿願：

祈願六道眾生借助諸聖者的法力，往生諸聖者淨土；

祈願六道眾生悉發菩提心，盡此一報身，定當成聖賢；

祈願六道眾生都從三惡道轉生人天善道；

祈願六道眾生從橫死道中得以解脫轉生、超生、往生。

祈願因為冠病等瘟疫而死難的眾生，所有橫死的六道眾生和八難道中的苦難眾生，都能夠得以轉生、超生、往生成功！

祈願弟子父母之歷代祖先，以及有緣眾生的歷代祖先，願他們都能得以轉生、超生，往生諸聖者淨土。

祈願弟子過去七世之父母，以及有緣眾生的過去七世之父母，願他們都能得以轉生、超生，往生諸聖者淨土。

祈願過去七世之父母和一切有緣眾生能夠從地獄、餓鬼、畜牲等三惡道中得以出離，往生三善道；永脫輪回之苦，早證無上佛道，獲得永生。

弟子祈願在生父母添福添壽，已逝的父母永脫苦海，獲得往生乃至永生。

弟子祈願全家一切的冤親債主都能遠離痛苦，獲得救拔，永出六道輪回，早證無上佛道。

弟子祈願所有的孤魂野鬼、無祀孤魂、可憐嬰靈、所有橫死之冤魂都能得以轉生、超生，乃至往生諸聖者淨土！

弟子祈願能得到上中下三界師尊們、以及眾神明的幫助：

保佑弟子合家平安，消災免難，大吉大利，吉祥如意！

保佑弟子生意興隆，財源廣進，身體健康！

保佑弟子但有所願，全令滿足！

弟子今後定當精進修行，早日功成，早度眾生，回報眾生，回報眾師！

空留時間，每個人用心發出自己的願力。

第八項 功德迴向

向來誦經功德 上奉高真，下保平安，賜福消災，同賴善功，證無上道，一切信禮，志心稱念
常清常靜天尊 不可思議功德。

【三皈依】

志心皈命禮

無上道寶，當願眾生，常侍天尊，永脫輪回。

無上經寶，當願眾生，生生世世，得聞正法。

無上師寶，當願眾生，學最上乘，不落邪見。

【大皈依】

四恩三宥，同歸大藏靈文，八難九幽，俱入元始性海，願以此功德，莊嚴無極界，上報四重恩，下濟三途苦，師資與父母，法界同宗親，現存增福壽，過去早超升。

現前清靜眾，各用皈命禮

志心皈命禮

太上（道經師）寶 十方諸天 九十九億九萬九千 十方國土 歷劫度人 清靜真一 不二法門 本師教主

十方常住道寶 寶珠說法元始天尊

十方常住經寶 玉宸道君靈寶天尊

十方常住師寶 混元皇帝道德天尊

第九項 護摩火供 謝師送師

火供結束時，請大家向虛空法界，上中下三界的眾多師父們行禮答謝。